

民國史料叢刊

1007

張研 孫燕京 主編

史地・年鑒

江西年鑒（1936年）〈一〉

 大象出版社

K258.06

3

(1007)

民國史料叢刊

1007

張研 孫燕京 主編
史地·年鑒

江西年鑒（1936年）△▽



大象出版社

圖書在版編目 (CIP) 數據

民國史料叢刊／張研、孫燕京主編

鄭州：大象出版社，2009.2

ISBN 978-7-5347-5439-5

I. 民… II. ①張…②孫… III. 中國—近代史—史料—民國
IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

史地·年鑒

總策劃 耿相新

責任編輯 楊吉哲 王莉娜

封面設計 劉&王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890 × 1240 1/32

印張 15.625

總定價 180000.00元

若發現印、裝質量問題，影響閱讀，請與承印廠聯繫調換。

印廠地址 北京經濟技術開發區運成街甲6號

郵政編碼 100176 電話 (010) 67889166

劉治乾政主編

江西年鑒(1936年)

序

世界文明愈演進，則事物變遷愈繁賾，月異而歲不同。苟無方策將一切事物所呈現象網羅而記載之，將何以鑒既往，示來茲，以求因革損益之宜耶。此一國之所以重乎史，而一方之所以貴乎志也。然昔之史志類多識大遺小，且拘牽體例，重文字之記述而輕數量之序列，篇幅浩繁，編輯匪易，往往數十年或百餘年始一纂脩，其間事物變遷之真相不免掛一漏萬。自統計之學興，舉凡一切自然及社會現象靡不從空間及時間上追蹤其嬗變之情，覈較其異同之狀，分析綜合、類別部門，執簡馭繁，列成表式，記之以數字，益之以解說，彙編而爲年鑑，俾展卷者對於一切事物立可瞭如指掌，觀其消長利病而定改善之標準，進行之方針，洵足補史志之不及矣。式輝於民國二十年冬，奉命治贛，時國難方深，省亂尤熾，共匪盤踞蹂躪之區幾達全省三分之二，幸承委員長蔣公親臨指授方略，殫三年之精力，始告肅清。而撫綏善後又迫不容緩，於是凡百庶政孟晉程功，冀達復興之目的。今雖規模稍備，然新興事業之進展，尙難如所預

期。惟茲年鑑，將使後之視今有所借鏡，藉以比較其進展之程度，效益之大小，而消長判焉，利病明焉。故於斯編之成，爲發其凡云。熊式輝序

序

凡人類活動總成績之紀載爲史，而一方域內人民活動成績之紀載爲方志，故方志實卽地方之史，遠如晉乘楚杙吳越春秋以及未能傳世之百二十國寶書，皆方志之濫觴，自後由全國以至州郡幾於無地無志，而吾國文化之隆與文獻之盛，足以自豪於世界者，此方志之夥蹟與普遍亦其一端。清初顧亭林先生著天下郡國利病書，取材多資各省方志，而後志乘之有益於行政張弛之準繩，迺爲有識之士所瞭解，於是學者如戴震、洪亮吉、孫星衍、章學誠等均以殫力修志，商討義法，嚴定體例，著聞於時。往時志書雖不免蕪濫，然而庠序學校之建置，兵刑賦稅之章則政治設施之規模，與夫河渠食貨之概要，咸能見其因革，固極有價值之著作也。

江西通志創於明嘉靖朝參政林庭楫，清康熙中巡撫安世鼎、白潢相繼修定，雍正七年撫臣謝閔復據舊本重爲補正，始有成書。至光緒六年李文敏復酌定異同重爲纂修，光緒七年而書成，凡爲典一、爲表四、爲略七、爲錄一、爲列傳五、分釐十八門，共計一百八十五卷。迄今已五十七年無復嗣響，雖曰末季之世，道喪文敝，時事多艱，未遑及此，然時代演變，事物繁賾，風尚不同，實爲主因。舊時

方志徵考既已不備，分類亦欠精審，如仕宦貞節重在激揚，名勝藝文止於抒情攬勝，徒塞篇幅，殊無關於社會民生之大計。故如通志之體例不改，則賡續大可視爲緩圖，如改正體例，詳分類別，則修志一事，談何容易。徵論載筆者之才學識已非曠世所易遇，而近日科學發達，紀天文必詳氣象之變遷，紀地理必述地質之層紀，紀物產必列草木禽獸蟲魚之品類，以及民族方言之同異，工資物價息率之漲落，生死疾病年齡之統計，糧食礦產原料產業之資源，凡此皆有待於各方學科發達之有素，而決非修志者少數人搜訪徵考之勤所能奏其膚功也。

余嘗謂今日各國之所謂年鑑，亦卽史之屬也。劃省以爲年鑑，卽方志之屬也。其間禮樂刑政學校教育河渠食貨物產交通，凡與民生習尚或一時代之建置設施有關者，靡不網羅詳盡，排比表列，則若列眉，顯隱必賅，洪纖靡失，此其爲制，求諸文籍，殆可上推三禮，沿蹤史書漢志。凡蔡邕之所謂意，華嶠之所謂典，張勃之錄，何法盛之說，名目雖異，體統不殊。此後如杜典鄭志，與馬端臨之文獻通考以典章制度專勒成書，尤與近日年鑑之制相近。年鑑之表用旁行斜上之紀錄，以貫穿錯綜繁賾之事績，亦屬司馬子長遺意。至於年鑑編製，多列統計，此則近代學術思想界之一大變遷，更

可謂爲學術上之一大進步。蓋學術演進之階段，初由傳習之神話，繼爲玄渺之理論，至最後乃爲確證之記載，所謂無徵不信者是也。然確證之記載，復由定性以進於定量，而統計乃佔學術上最重要之位置，史之有統計，乃史實之定量，所以增史實準確之程度，爲史學最重要之發展也。

民國二十一年秋，余奉主席熊公之聘，來省主持省政府經濟委員會事，卽以調查、統計、研究、設計爲主要工作，凡關於特種事業及出產之調查研究，俱纂爲經濟叢刊，以單行本印行，已有十六種，其零星片段之材料，足資施政及各界之參考者，則編輯經濟旬刊發表，迄於今茲，賡續未輟，已發行八卷，凡百數十期矣。惟平日之所蒐集，分類積存之資料，範圍至廣，而社會事物參互錯綜，又常非就其相涉者多方涉獵，不足以窺其竅蘊，且時歲遷移，更非隨時刊落增益日新又新，殊不足以舉當時之實況，因思彙集其所積存者，纂爲年鑑，亦足以綱紀一時之史實。頭緒萬端，久而未就。及經濟委員會併入省政府爲統計室，幸得劉主任治乾之繼續努力，克觀厥成，書分冊有一篇，凡一百四十六章，四百一十六節，都千餘頁。於是江西人民與其政府在一時間內活動之總成績，乃有文字及數字之記載，淺言之亦可謂爲江西人民與其政府活動之一本總賬，概言之則謂之爲史

或爲方志之一格，亦無不可也。夫史志所以紀往事，其作用在於比較一時事績遞嬗之跡，藉以鑑往知來。吾贛當匪劫之後，百物凋喪，政府與全體人民在安義熊公領導之下，以最大之努力，謀恢復繁榮，凡其所設施措置者，在此年鑑中固足以見其努力之一斑。如以現在年鑑中已記載之事實爲比較之標準，則更足以測將來歷年進步之如何。此際欲改正體例，修纂一完善之江西通志，自非目前力所能及，然以此年鑑爲基礎，隨事物之演變進化，而爲之逐年損益釐定，則不僅可爲他年修志之取材，而年鑑之本身，固不啻爲一部有生命之活動史料也。在此編纂之初，事屬草創，條目義例，自不能求其美備，大略之於椎輪，將以期諸後日耳。

中華民國二十六年二月永新蕭純錦序

弁言

年鑑之作，由來舊矣。宋書藝文志列有年鑑一卷。原書雖佚，足徵我國古代已有此書。近則成爲世界各國最流行之刊物。惟近代年鑑類皆側重統計數字之編列，而以文字敘述爲之輔，與昔迥異，此則因近代統計學之昌明，統計術之精進，而爲學言治者亦皆注重統計所致也。

年鑑一書，就其性質言之，有普通與專門之別。專門年鑑，係以事物爲範圍，僅記載某一類事物以供一部分人之參考。如財政年鑑，教育年鑑，商業年鑑，工業年鑑等是。普通年鑑則以區域爲範圍，舉凡政教農工商鑛經濟社會以及一切自然事物，靡不網羅周至，俾能供一般人之參考。本年鑑卽屬此類，以江西一省爲範圍，凡江西省一切政治經濟社會自然事項皆盡力蒐集而畢載之。蓋以現代人類生活日趨繁複，社會變化日益劇烈，行政範圍日以廣大，萬機叢脞，紛然雜呈，處此時代之人羣，無論爲政爲學爲農爲工爲商爲軍，欲冀於最短之時間，費至少之精神，得足以應付此時代環境之資料，非有此種年鑑以供按索，其道莫由。此年鑑之所以爲人珍視，而在現代出版界中常佔重要之位置也。

本年鑑之編輯，倡議已久。自熊主席天翼主政江西以來，力謀各種建設之進行，以建設之計劃，不根據於調查統計，難期確實，適於民國二十一年秋設置江西省政府經濟委員會，專司經濟調查統計及設計之責，命蕭委員純錦董其事並聘治乾爲統計專家，詣會贊襄一切。蕭委員秉承熊主席意旨，於經濟委員會成立後未及一月，卽以編輯年鑑爲議，當時計劃雖定，終因材料缺乏，未獲編成。民國二十三年秋，本府實行合署辦公，將經濟委員會改組爲本室，除辦理一般統計外，並繼續經濟委員會事業，依照中央統計法，各省亦應有統計年鑑一書，以資參證，本室職司所在，對此年鑑之繼續編輯，更不容緩。爰將原定計劃略加修改，對於徵集資料積極進行，並於二十四年六月開始編纂，九閱月而歲事復經呈由省府政府委員會分發各主管機關審查並交蕭委員純錦能委員

遂李委員德釗校正。是役也負初稿分編及採訪之任者，有本室盧專員建業（總述、土地、鑛業、糧食管理）、周研究員兼政治組長承考（教育、財政）、張研究員兼資源組長崑（農業、林業、墾殖）、張研究員兼經濟組長景瑞（商業、金融）、謝研究員光平（交通、水利、漁業）、鄧研究員克篤（工業、農村建設、黨務、新生活）、高研究員經（勞工、司法）、鄧科員信剛（社會事業）、劉科員家豪（畜牧）、胡科員休安（保衛）、劉辦事員玉麟（衛生、氣象、度量衡）、饒辦事員鼎祥（勝蹟）、負計算繕寫之任者，爲本室各辦事員及書記，而供給各項統計資料者，則爲各主管機關團體暨本室所約各縣之農業情況與工商情況通訊員，茲值本年鑑編纂竣事，特誌其緣起及經過如此。

民國二十五年春江西省政府統計室主任劉治乾謹識

編例

一、本年鑑係依照普通年鑑體例編製，故凡江西省之歷史地理氣象人口黨務政治財政教育衛生保衛司法交通經濟社會度量衡名勝古蹟等材料，悉加蒐羅，俾能供一般人之參考。末附剿匪經過及新生活運動兩編，因江西受匪禍最深，而本年鑑適於本省匪患稍平之後開始編輯，擇要列入，亦足以資紀念。至新生活運動適在本省剿匪大捷之年發軔，而南昌爲其策源地，故尤不能不有所記載也。

二、本年鑑體裁係統計年鑑，故所包羅之事項，悉以統計方式表之，其不能用統計方式表示者乃以文字敘述之。

三、本年鑑材料，除各主管機關供給及本室職員從各種書籍搜集者外，均係本室及本府前經濟委員會派員實地調查或委託其所約各縣經濟情況通訊員五百餘人調查而得。

四、此種刊物在江西尚屬初創，故取材除最近一二年者外，其以前各年凡能搜得者亦一併採入，例如人口統計數字遠及明代，進出口貿易統計數字溯至三十年以前，教育統計數字追及民國初年，財政金融及物價統計數字亦追及民國十七八年，俾閱者可藉以察知歷年變遷之狀況，而推宗其原因，以定施政之方針，非僅爲記述史事已也。

五、凡爲本省近年新創之建設事業，例如公路之建築，農村合作之組設等，其統計數字均溯及其開辦之始，逐年分列，製成年表，以示其進展之狀況。

六、經濟在現代人民生活上，及國家事業中，均佔重要位置，故本年鑑關於經濟事項特加注意，除土地、財政、交通、度量衡四編外，並分列水利、農業、林業、墾植、畜牧、漁業、農村建設、糧食管理、食鹽火油管理、礦業、工業、商業、金融十二編，而於農業工業商業金融諸編所載尤詳。

七、本年鑑於民國二十五年二月編竣，各種記載凡於二十四年底能得到者則以二十四年底爲止，其不能者則或於二十四年六月止，或於二十三年底止，皆就力所能及者爲限，以後繼續纂修，自可求其銜接。

八、本室同人編製此鑑，承蕭委員純錦多方指導，並承各機關各團體及各縣經濟情況通訊員盡力協助始克進行，應表感謝。

九、本年鑑之編製經始維艱，時間苦短，皆由同人於辦理統計事項研究經濟問題之餘所成就，未能專一從事，缺憾自屬繁多，倘承閱者多加指正，俾將來繼續纂修時得以增改，則幸甚矣。

江西年鑑要目

插圖 (二十四幅)

第一編	總述	一一
第二編	土地	二一
第三編	氣象	三七
第四編	人口	七一
第五編	黨務	一一一
第六編	政治	一一九
第七編	司法	二四一
第八編	財政	二六三
第九編	教育	三六一
第十編	衛生	四〇九
第十一編	保衛	四五三
第十二編	交通	五〇七
第十三編	水利	六二一

第十四編	農業	六二九
第十五編	林業	七七五
第十六編	墾殖	八一三
第十七編	畜牧	八二五
第十八編	漁業	八四七
第十九編	農村建設	八五五
第二十編	糧食管理	八八五
第二十一編	食鹽火油管理	九〇五
第二十二編	鑛業	九一三
第二十三編	工業	九三七
第二十四編	勞工	九八三
第二十五編	商業	九九三
第二十六編	金融	一一三
第二十七編	度量衡	一二五
第二十八編	社會事業	一二一
第二十九編	江西剿匪經過	一二三
第三十編	新生活運動	一二五
第三十一編	各縣名勝古蹟	一三〇三